



世界佛教居士林編

法事叢書  
第十三種

孟蘭盆會儀規

上海佛學書局印行

雲棲法彙正訛集云

世人以七月十五日施鬼神食。爲孟蘭大齋之會。此訛也。蘭盆緣起目連。謂七月十五日衆僧解夏自恣。九旬參學。多得道者。此日修供。其福百倍。非施鬼神食也。施食自緣起阿難。不限七月十五日。所用之器。是摩竭國斛。亦非蘭盆。蓋一則上奉聖賢。一則下濟餓鬼。悲敬異田。惡可等混。

# 盂蘭盆會儀規

## 第一 儀式

凡設供此會也。或七日或三五日或一日。於  
備辦鮮菓。凡有時新。俱宜備齊。預日大衆沐浴。酒掃  
壇場。及灌盃器。裝就菓品。百有餘盤。並備紙扎齋供  
等件。不得艸艸了事。又擇清潔處。門外掛「投物所」  
牌。方丈所有長物。盡情投入。衣鉢照單。點清交付。執  
事。大衆所有施物。亦卽投入。臨日早晨。懸掛旛蓋。鋪

儀式

一



設裝嚴。壇前懸匾云「孟蘭盆會」四大字或「蘭盆勝會」或「孟蘭普度」。兩傍掛對云「供獻三尊七世親恩從此報。功圓九夏十方檀護悉皆酬。」或「續迦文慧命人人盡達親恩。體采菽嘉會在在廣行孝道。」或「屆中元令辰而羣羅百味。當衆僧自恣而上供三尊。」或「現在父母康寧百年具慶。已往椿萱福德九品高升。」

其供壇，或丹墀，或大殿，或法堂，擇其闊淨者爲之。第

一層中間方桌供一大錫鉢孟飯左右長桌並列果品各十餘盤。下四層擺果盤皆如上式。第二層中間供孟蘭盆。如世間以鼎爲重器。出世以鉢爲物器。但一鉢難容衆饌。故如鉢式造一大盆。以經彰名。表法殊勝。盆內旋疊蔬菜四十九桶。亦不得菲淺。須甘美豐盈。所謂供佛如山也。第三層中間方桌供一大碗淨水。碗內浸鮮花。第四層中間方桌供一大瓶荷花。第五層中間方桌供設香案。邊傍左右另擺一條桌。

放自恣僧佛。門外兩傍掛「盥沐所」牌。置水一盆。掛  
新手巾一條。以便盥掌。中間掛禁牌云。「此係清淨  
供壇。恭迎三寶天神降臨之所。各宜誠敬。凡飲酒吃  
葷者莫入。」時至。鳴鐘三下。大眾各搭衣持具赴會。  
衆齊集已。鳴引磬。請和尚至壇。拈香結界。但此供盡  
極浩大。須量力爲之。不必勉強。然誠敬之心。決不可  
少。各宜勉哉。

第二 淨壇

目連啓教

世尊宣揚

鉢和羅飯利存亡

脫苦往天堂 妙樂無疆 孝行永流芳

南無香雲蓋菩薩摩訶薩（三稱）

住持禮佛畢。接手爐。問訊舉云。

南無大悲觀世音菩薩（三稱）

維那持淨水杯舉淨壇偈

菩薩柳頭甘露水 能令一滴遍十方

腥羶垢穢盡蠲除 加持壇場悉清淨

教有密言謹當持誦

盂蘭盆會儀規

六

卽舉大悲咒繞壇。悅衆鳴大魚子。大衆同誦維那酒淨三匝。歸位時誦盂蘭盆經三遍。

大悲咒

南無喝囉怛那哆囉夜耶。南無阿唎耶。婆盧羯帝爍鉢囉耶。菩提薩埵婆耶。摩訶薩埵婆耶。摩訶訶盧尼迦耶。唵。薩皤囉罰曳。數怛那耶。摩訶訶盧尼迦耶。伊蒙阿唎耶。婆盧吉帝怛寫。南無悉吉唵埵伊蒙阿唎耶。婆盧吉帝室佛囉楞馱婆。南無那囉謹墀。醯唎摩訶皤



哆沙咩。薩婆阿他豆輸朋。阿逝孕。薩婆薩哆  
那摩婆薩多。那摩婆伽。摩訶特豆。怛姪他。唵  
阿婆盧醯。盧迦帝。迦羅帝。夷醯唎。摩訶菩提  
薩埵。薩婆薩婆。摩囉摩囉。摩醯摩醯。唎馱孕。  
俱盧俱盧。羯蒙。度盧度盧。罰闍耶帝。摩訶罰  
闍耶帝。陀囉陀囉。地唎尼。室佛囉耶。遮囉遮  
囉。麼麼。罰摩囉。穆帝隸。伊醯伊醯。室那室那。

阿囉唵佛囉舍利。罰娑罰唵。佛囉舍耶。呼盧  
呼盧摩囉。呼盧呼盧醯利。娑囉娑囉。悉唎悉  
唎。蘇嚧蘇嚧。菩提夜菩提夜。菩馱夜菩馱夜。  
彌帝利夜。那囉謹墀。地利瑟尼那。婆夜摩那。  
娑婆訶。悉陀夜。娑婆訶。摩訶悉陀夜。娑婆訶。  
悉陀喻藝。室幡囉耶。娑婆訶。那囉謹墀。娑婆  
訶。摩囉那囉。娑婆訶。悉囉僧阿穆佉耶。娑婆

訶。娑婆摩訶阿悉陀夜。娑婆訶。者吉囉阿悉  
陀夜。娑婆訶。波陀摩羯悉哆夜。娑婆訶。那囉  
謹墀幡伽囉耶。娑婆訶。摩婆利勝羯囉夜。娑  
婆訶。南無喝囉怛那哆囉夜耶。南無阿唎耶。  
娑嚧吉帝。爍幡囉夜。娑婆訶。唵悉殿都漫多  
囉跋陁耶。娑婆訶。

佛說孟蘭盆經

淨壇

九

聞如是。一時佛在舍衛國祇樹給孤獨園。大目犍連始得六通。欲度父母。報乳哺之恩。卽以道眼觀視世間。見其亡母。生餓鬼中。不見飲食。皮骨連立。目連悲哀。卽以鉢盛飯。往餉其母。母得鉢飯。便以左手障鉢。右手搏食。食未入口。化成火炭。遂不得食。目連大叫。悲號涕泣。馳還白佛。具陳如此。佛言。汝母罪根深。

結。非。汝。一。人。力。所。奈。何。汝。雖。孝。順。聲。動。天。地。  
天。神。地。祇。邪。魔。外。道。道。士。四。天。王。神。亦。不。能。  
奈。何。當。須。十。方。衆。僧。威。神。之。力。乃。得。解。脫。吾。  
今。當。說。救。濟。之。法。令。一。切。難。皆。離。憂。苦。佛。告。  
目。連。十。方。衆。僧。七。月。十。五。日。僧。自。恣。時。當。爲。  
七。世。父。母。及。現。在。父。母。厄。難。中。者。具。飯。百。味。  
五。果。汲。灌。盆。器。香。油。錠。燭。牀。敷。臥。具。盡。世。甘。

美。以著盆中。供養十方大德衆僧。當此之日。一切聖衆。或在山間禪定。或得四道果。或在樹下經行。或六通自在。教化聲聞緣覺。或十地菩薩大人。權現比丘。在大衆中。皆同一心。受鉢和羅飯。具清淨戒。聖衆之道。其德汪洋。其有供養此等自恣僧者。現世父母六親眷屬。得出三途之苦。應時解脫。衣食自然。若父

母現在者。福樂百年。若七世父母生天。自在  
化生。入天華光。時佛勅十方衆僧。皆先爲施  
主家咒願。願七世父母。行禪定意。然後受食。  
初受食時。先安在佛前。塔寺中佛前。衆僧咒  
願竟。便自受食。時目連比丘及大菩薩衆。皆  
大歡喜。目連悲啼泣聲。釋然除滅。時目連母。  
卽於是日。得脫一切餓鬼之苦。目連復白佛。

言。弟子所生母。得蒙三寶功德之力。衆僧威神之力。故若未來世一切佛弟子。亦應奉孟蘭盆救度。現在父母。乃至七世父母。可爲爾否。佛言。大善。快問。我正欲說。汝今復問。善男子。若比丘。比丘尼。國王。太子。大臣。宰相。三公。百官。萬民。庶人。行慈孝者。皆應先爲所生。現在父母。過去七世父母。於七月十五日。佛歡



喜日。僧自恣日。以百味飲食。安盂蘭盆中。施十方自恣僧。願使現在父母。壽命百年無病。無一切苦惱之患。乃至七世父母。離餓鬼苦。生人天中。福樂無極。是佛弟子修孝順者。應念念中常憶父母。乃至七世父母。年年七月十五日。常以孝慈憶所生父母。爲作盂蘭盆。施佛及僧。以報父母長養慈愛之恩。若一切

佛弟子。應當奉持是法。時目連比丘。四輩弟子。歡喜奉行。

誦孟蘭盆經畢更誦報恩咒四十九遍

報父母恩咒（世間有生無不從父母而得能誦此咒及能慎終追遠恩無不報）

南無密栗多哆婆曳娑訶

誦畢。大眾照位長跪。主者祝云。

我等同孝志

脩行淨土因

懺除三障罪

報答二親恩

存者獲福壽

亡者得超昇

同生安養國

度盡衆冤親

祝已一齊起立合掌維那舉

一心頂禮

南無本師釋迦牟尼佛（十二拜）

一心頂禮

南無文殊師利菩薩（三拜）

一心頂禮

南無彌勒菩薩（三拜）

一心頂禮

南無十方諸佛（三拜）

一心頂禮

南無十方菩薩（三拜）

淨壇

一七

一心頂禮 南無蘭盆啓教大目犍連尊者

(三拜)

三皈依

自皈依佛 當願衆生 體解大道

發無上心

自皈依法 當願衆生 深入經藏

智慧如海

自皈依僧 當願衆生 統理大衆

一切無礙  
和南聖衆

第三 上蘭盆供

鳴鐘三下。衆皆入壇。禮佛三拜。維那舉獻供贊。衆齊唱云。

蘭盆會啓 普度門開 恭迎三寶降臨來

一一坐華臺 唯願慈哀 受我妙香齋

南無齋供養菩薩摩訶薩三稱

維那至中拈香已展具三拜長跪合掌白云

恭聞法身常寂。本無去以無來。妙智圓融。實非空而

上蘭盆供

非色靈明絕待。覺海難量。俯潤迷蒙。時彰影響。今屬  
如來歡喜。僧衆自恣。當爲七世父母。施設百味蘭盆。  
儀遵充國。孝效目連。黍稷唯馨。覺王斯格。願降慈光。  
受我供養。

白已。一拜起立舉云。

三身如來（衆和）

奉獻蘭盆上供三寶

說已。大衆長跪獻供。獻畢起立。維那白請詞云。

大雄出世。同赴齋於舍衛城中。正法流行。共應供於

匿王宮內。既隨機而現相。亦普濟於羣生。今辰衆  
等。謹設蘭盆。志心頂禮。專申奉獻。

千華臺上。百寶光中。三十二相之能仁。八十種好之  
大覺。盡十方遍法界。過現未來無量佛寶。唯願不捨  
慈悲。受斯供養。

三白三拜。次舉供佛偈。鳴鐘鼓鑼。齊唱三遍。或一遍。

南無蓮座天人師 威德端嚴無與等  
唯願佛寶大慈悲 受此盂蘭盆供養

上蘭盆供

一一一

南無香水海華藏界蘭盆供獻真如佛陀耶

衆唱竟維那執爐高聲請法云

今辰衆等謹設蘭盆志心頂禮專爲奉獻。

西乾竺國白馬馱來修多羅了義上乘十二部眞空  
妙典盡十方遍法界過現未來無量法寶唯願不捨  
慈悲受斯養供。

三白三拜次舉供法偈仍鳴鼓鈸等唱三遍或一遍。

南無相應最勝法 成就菩提涅槃果



唯願法寶大慈悲 受此孟蘭盆供養

南無香水海華藏界蘭盆供獻海藏達摩耶

衆唱竟。維那執爐高聲請僧云。

今辰衆等謹設蘭盆。志心頂禮。專爲奉獻。

三明八解。五果六通。分身於此界他方。應供於人間。  
天上。盡十方遍法界。過現未來無量僧寶。唯願不捨  
慈悲。受斯供養。

三白。三拜。次舉供僧偈。仍鳴鼓鉦。或三唱。或一唱。

孟蘭盆供

二三

南無自在衆中尊 栴檀林內澄心者

唯願僧寶大慈悲 受此孟蘭盆供養

南無香水海華藏界蘭盆供獻福田僧伽耶

唱竟維那歸位舉香讚。主者拈香。

爐香乍熱 法界蒙薰 諸佛海會悉遙聞

隨處結祥雲 誠意方殷 諸佛現全身

南無香雲蓋菩薩摩訶薩(三稱)

南無蘭盆會上佛菩薩(三稱)

南無常住十方佛

南無常住十方法

南無常住十方僧

南無本師釋迦牟尼佛

南無藥師琉璃光佛

南無過去覺華定自在王佛

南無清淨蓮花目佛

上關盆供

二五

南無多寶如來

南無寶勝如來

南無妙色身如來

南無廣博身如來

南無離怖畏如來

南無甘露王如來

南無阿彌陀如來

南無世間廣大威德自在光明如來

南無佛說盂蘭盆經

南無大慈地藏王菩薩

南無大悲觀世音菩薩

南無大勢至菩薩

南無護法諸天菩薩

南無藍伽聖衆菩薩

上闍盆供

南無歷代祖師菩薩

南無古往自恣緣覺聲聞僧

南無大孝目犍連尊者

南無三界聖凡幽顯尊神（南無十方佛至此三遍）

變食真言二十一遍

曩謨薩縛怛他識多縛臚枳帝唵三跋囉三  
跋囉吽。

甘露水真言七遍

曩謨蘇嚕婆耶。怛他誡多耶。怛姪他。唵。蘇嚕  
蘇嚕。鉢囉蘇嚕。鉢囉蘇嚕。娑婆訶。

此食色香味。上供十方佛。中奉諸賢聖。下及  
六道品。等施無差別。隨願皆飽滿。令今施者  
得無量波羅密。三德六味。供佛及僧。法界有  
情。普同供養。

普供養真言七遍

上關盆供

二九

唵。誡。誡。曩。二。婆。縛。伐。日。囉。斛。

音縛子

維那至中。三拈香。展具三拜。問訊長跪。合掌。用鐘鼓齊聲念。

南無十方常住三寶

三稱畢。維那宣疏時。主者與大眾俱長跪。合掌。

伏以誦世典。蓼莪之章。難罄情於罔極。參聖教。蘭盆之旨。敢竭念於熏脩。望度慈航。爰伸誠悃。(鄉貫寺名住持等名)

衆等切念。早割塵緣。長辭親愛。或嚴慈而早喪。頓乏嘗蒸。或星鬢而在堂。永違菽水。無自利利他之行。尙



空受於人施。有仰愧俯忤之情。敢置懷於源本。生身  
既托於親恩。訓教無逾於師德。本始無窮。不遺累劫  
之宗緒。圓心普渡。總超法界之有情。爰披瀝於丹衷。  
汲水採花而獻供。敬皈依於寶帙。互天彌地以流恩。  
盡拔苦輪。咸躋覺道。由是擇於本月某日起。至某日  
告圓。雲集海衆。登臨寶殿。諷某經禮某懺。（或大衆發  
心各有持  
誦一  
齊登）伏願慈光輝映。娑婆無處不圓明。法海汪洋。  
大地有情俱潤澤。我等多生父母。歷劫親姻。及以師

長。並諸眷屬。存者加增福慧。歿者高證蓮胎。普滋一善之良緣。均利恆沙之苦趣。更冀三門寧靜。海衆安和。凡所正作。願皆如意。右疏恭請三寶證明云云。

若會中有俗姓士女當更宣俗人所祈之疏云

伏以教演孟蘭。舍衛之芳猷未散。功超天壤。日連之

孝行常稱。欲資七世於蓮胎。當禮三身於華座。（鄉貫寺名）

（在會士女等名）衆等切念唱一味之圓音。隨刹土隨衆生。盡

入平等嘉會。演千秋之孝旨。或善男或信女。咸遵舍

衛遺風。仰悲濟之宏猷。救倒懸之極苦。是以於本月某日。恭遇某處崇建蘭盆勝會。普超恩有含生。某等深追罔極。少答善因。躬叩法筵。仰求慈濟。由是各備香儀。薄陳芹供。仗苾芻之威德。仰三寶之恩光。超度先靈。福資現在。（所有各各念誦皆當一一具錄）伏願真慈赴感。聖人隨機。一雨普滋。大千蒙潤。俾我等多生父母。歷世親緣。同承冥福之資。俱解三途之苦。歿世證生天之樂。在堂稱難老之春。五福日新。三災電捲。凡所祈求。願

皆果遂。右疏云云。

宣畢一齊起立衆唱贊云

五果百味 香色清新 自恣會上獻能仁  
願親出沉淪 普濟幽冥 沙界布陽春

南無普供養菩薩摩訶薩（三稱）

若此會七日或五日三日者。此疏待回向時化。若但設供齋而  
不念誦作會者。此疏卽時化。大衆念佛送疏。主者三奠茶設。維  
那舉回向云。

以此蘭盆供善根  
報答父母劬勞恩  
存者福樂壽無疆  
亡者離苦得超昇  
四生九有諸含識  
八難三途苦衆生  
各各悔過洗瑕疵  
盡蒙慈濟出沉淪

念偈時主者禮佛三拜。問訊。偈畢。衆各回本處。

#### 第四 衆僧受食

上供竟。執事人將蘭盆蔬菜及供飯。勻入大衆飯菜內。其供會果品食物及自恣僧物。不論客舊。平等普分於齋堂。事俱齊備。已開午梆。鳴大鐘三下。主者及大衆搭衣持鉢至齋堂坐齊。鳴

#### 衆僧受食

雲板舉供養咒。至當願衆生句。卽改念。

過去父母 七世超昇 現在二親 永無  
病惱 自他饒益 存歿沾恩 永離惡道

究竟常樂

念畢。出生不唱五觀。主者云。

大衆先行禪定。意然後受食。

大衆入觀。觀自心內外中間。皆不可得。默坐少時。俟開靜後。主者白云。

大衆師先用供果。大衆受食畢。維那結齋已。僧值云。

大衆所食供果及自恣物。各自藏鉢。或置袖內。衆齊起立。次第回堂。

附 供位式

南無蘭盆會主釋迦牟尼佛及十方三世一切諸佛

寶座

南無世間廣大威德自在光明如來寶座

南無過去覺華定自在王佛清淨蓮花目佛等寶座

南無佛說孟蘭盆經及地藏菩薩本願經等寶座

供位式

三七

南無大小二乘經律論藏及十方三世一切尊法寶

座

南無蘭盆會上啓教大士目犍連尊者寶座

南無十方三世一切緣覺聲聞諸自恣僧蓮座

南無過去光目童女菩薩現在地藏菩薩摩訶薩蓮

座

南無蘭盆會上諸大菩薩及一切菩薩摩訶薩蓮座



法事叢書第三十種

孟蘭盆會儀規

全一冊

中華民國二十年八月初版

每冊定價大洋五分（外埠酌加郵費）

編輯者 世界佛教居士林

發行者 佛學書局

印刷者 天星久記印刷所

上海開北交通路聯義里  
開北新民路國慶路口

總發行所 上海佛學書局

北火車站東首寶山路口

分發行所 上海佛學書局

2

法事叢書

世界佛教居士林編

▲上海佛學書局印行 ▼

念佛儀規

定價五分

傳授幽冥戒儀規

定價五分

朝暮課誦

定價二角

放生儀規

定價五分

佛七儀規

定價五分

齋天儀規

定價五分

大悲懺儀規

定價五分

三時繫念

定價一角

淨土懺儀規

定價五分

念誦集要

定價一角

授居家二衆三皈儀規

五分

孟蘭盆會儀規

定價五分

授居家二衆五戒儀規

五分